

Թագաւորն զնա ծանեաւ և ասէ, շուն կատաղի՝ զի՞նչ յուզես աստ, և ձգեալ զձեռն 'ի Թուրն՝ զի հարցէ զնա, և ասա պատեալ էր, և հասեալ Չմշկիկն սպան զԹագաւորն. զայս վասն այն արար բորբորիան այն և կաթոսն, զի վարէր իբրև զՇ ամիրամ: Իսկ Թագաւորն ձգնաւոր և առաքինի էր. և այսու կերպիւ Թագաւորեաց Չմշկիկն. բայց պահեաց զորդիսն Առմանոսի: Աւ հնազանդեցոյց զամենայն աշխարհ՝ բաց 'ի քաղաքէն Համթայ, որ սպանին զզօրապետն նորա. զոր ելեալ Թագաւորն 'ի Ատամպօլայ՝ եկն 'ի վերայ Համթայ: Աւ քաղաքացիքն սպանեալ էին զՀասան զտէր քաղաքին, և քոյրն Հասանին տիրէր քաղաքին. իբրև մօտեցաւ քաղաքին, քոյրն Հասանայ ել 'ի վերայ պարսպին՝ և ասէ ցնա, ո՞չ է քեզ ամօթ գալ 'ի վերայ կնոջ միոյ. իբրև գիտաց Թագաւորն՝ Թէ՛ սեղնիս իւր էր՝ մինչ էր 'ի Չմշկաճակ, եթող զքաղաքն առանց քակելոյ՝ զոր երդուեալ էր, և հնազանդեցան